

卷

精校古今醫案按

三

上海會文堂書局印行



古今醫案按卷第三

吳江李齡壽辛疣重較輯

嘉善俞震東扶纂輯

男念祖永修較字

得璜磻溪

孫男掌明罔若全較

賂南貽賢

瘡

張戴人曰嘗觀刺瘡論心欲試之會陳下有病瘡二年不愈者屢服溫熱之劑漸至衰羸命予治之予見其羸亦不敢便投寒涼藥乃取內經刺瘡論詳之曰諸瘡不已刺十指間出血正當發時予刺其十指出血血止而寒熱立止咸駭其神又云一書生病瘡間日一作將秋試及試之日乃瘡之期書生憂甚誤以葱蜜合食大吐涎數升瘀血宿食皆盡同室驚畏至來曰入院瘡亦不發蓋偶得吐法耳。

附

資生經曰。有人患久瘧。諸藥不效。或教之以灸脾俞即愈。更一人亦久瘧。聞之亦灸此穴而愈。蓋瘧多因飲食得之。故灸脾俞得效。羅謙甫治書吏高士謙。年踰四十。至元戊寅七月間。因官事出外勞役。又因過飲午後大發熱而渴。冰水不能解。早晨稍輕減。服藥不效。羅診其脉弦數。金匱要畧云。瘧脉自弦。弦數者多熱。內經云。瘧瘧者。肺素有熱氣盛於身。厥逆上衝。中氣實而不外泄。因有所用力。腠理開。風寒舍於皮膚之內。分肉之間而發。發則陽氣盛而不衰。則病矣。其氣不及於陰。故但熱而不寒。氣內藏於心。而外舍於分肉之間。令人消爍肌肉。故名曰瘧瘧。士謙遠行勞役。又暑氣有傷。酒熱相搏。午後時助。故大熱而渴。如在甑中。先以柴胡飲子下之後。以白虎加梔子湯數服而愈。

震

按此係夏秋新得之瘧。乃實證也。又係痺瘧。故用寒下之法。然其證易識。易治。不比丹溪諸案之難辨難治。

丹溪治一婦人久痢。因哭子變瘧。醫與四獸飲之類。一日五六作。汗如雨。

不止。凡兩月。朱診之。脉微數。食少。疲甚。蓋痢後。無陰悲哀傷氣。又進濕熱之藥。助起旺火。正氣愈虛。今汗已大出。無邪可治。陰虛陽散。死在旦夕。豈小劑所能補。遂用參术各二兩。白芍一兩。黃芪五錢。炙甘草二錢。濃煎。頓服。兩日。寒熱即止而愈。

又治一少婦。身小味厚。瘡瘍月餘。間日發於申酉。頭痛身熱。寒多口乾喜飲。極熱辣湯。脉伏。面色慘晦。作實熱。痰治之。以十棗湯為末。粥丸。如黍米大津嚥十粒。日三次。令淡飲食。半月後。大汗而愈。

僉憲詹公。年近六十。形狀色蒼味厚。春得瘡瘍。丹溪視之。知其飲於醜肥者。告之曰。須卻慾食。淡調理。浹月得大汗。乃安。公不悅。一人許以易愈。與劫藥三五貼。病退旬日。後又大作。又與之。又退。綿延至冬。又求治於丹溪。知其久得藥。痰亦少。惟胃氣未完。天寒欠汗。非補不可以。一味白朮為末。粥丸。空腹熱湯下。二百丸盡。二觔。大汗而愈。如此者多。但畧有加減耳。

一富人年壯。病瘧。自卯時寒。至酉時方熱。至寅初方休。一日一夜止。甦一

時因思必為入房感寒所致。及問之。九月暴寒。夜半有盜。急起不着中衣。當時足即冷。十日復瘧作。蓋足陽明與衝脈合宗筋。會於氣街。入房太甚。則足陽明衝脈之氣皆奪於所用。其寒乘虛入中。舍於二經。所過脛所會。足跗上。於是二經之陽氣益衰。不能滲榮其經絡。故病作卒不能休。乃用人參白朮大補附子行經。加散寒之藥以取汗。數日不得汗。病如前。因悟足跌道遠。藥力難及。用蒼朮川芎桃枝煎湯以器盛之。浸足至膝。一食頃以前所服藥飲之。其汗通身大出。病即已。

一老人患瘧。噦半載。脉之。兩手尺數而有力。色稍枯。余料之。必服四獸飲等劑。中焦濕熱下流。伏結於腎。以致心火上連於肺。故瘧噦俱作。用參朮升柴黃芩黃連。二三日與黃柏丸服之。兩夜夢交通來告急。余語之曰。此腎中熱解。乃從前陰精竅而散走。故為是夢。勿憂。次日瘧噦頓止。

浦江洪宅一婦。病瘧三日一發。食甚少。經不行。已三月。丹溪診之。兩手脉俱無。時當臘月。議作虛寒治。以四物加附子吳茱萸神麴為丸。心疑誤。次早

再診見其梳粧無異平時。言語行步並無怠倦。知果誤矣。乃曰。經不行者。非無血也。為痰所碍。而不行也。無脉者。非氣血衰。而脉絕。乃積痰生熱結。伏其脉而不見爾。以三花神佑丸。與之旬日後。食稍進。脈漸出。但帶微弦。瘡尚未愈。因謂胃氣既全。春深經血自旺。便自可愈。不必服藥。教以淡滋味節飲食之法。半月而瘡愈。經亦行。

震觀丹溪諸案。思深而法備。真有周旋中規。折旋中矩之妙。較之劉李。誠出其右。後人猶欲詆毀之。何異蚍蜉撼樹。斥鷃笑鵠鵬哉。

虞天民治二男子。年皆踰四十五。各得瘡瘍三年矣。俱發於寅申巳亥日。一人晝發於巳而退於申。一人夜發於亥而退於寅。虞曰。晝發者。乃陰中之陽。宜補氣解邪。與小柴胡湯。倍加柴胡人參。加白朮川芎葛根陳皮青皮蒼朮。夜發者。為陰病。宜補血疏肝。用小柴胡湯合四物。加青皮。各與十貼。俱加薑棗煎。於未發前二時服。每日一貼。服至八貼。同日得大汗而愈。

震按二證為同中之異。花溪分別精細。用藥熨貼。故八貼即愈。然亦緣

瘧已三年。發時不爽。乃得間而入。如其不然。當另有說。但於未發前二時服。又云。每曰一貼。則不發之日。亦依其時而服耶。

薛立齋治一產婦。患瘧久不愈。百病蜂起。其脉或洪大。或微細。或弦緊。或沉伏。難以名狀。用六君子加炮薑二十餘劑。脉證稍得。又用參朮煎膏。佐以歸脾湯。百餘劑而痊。

又治一婦久瘧。形體怯弱。內熱晡熱。自汗盜汗。飲食少思。月事不行。服通經丸。病益甚。此因虛而致瘧。因瘧而致經閉。用補中益氣湯及六味丸。各百餘劑。瘧愈而經行矣。

震按藥已對病。尚百餘劑始愈。設醫者拿不定。則見異而遷。病者信不真。則半途而廢。必至前功盡棄。因知虛證用補慎毋欲速。

汪石山治一人。形瘦色脆。年三十餘八月。因勞病瘧。寒少熱多。自汗體倦。頭痛胸痞。畧欬而渴。惡食。大便或秘或溏。發於寅申巳亥夜。醫欲從丹溪用血藥。引出陽分治之。汪診其脉濡弱。近駿稍弦。曰觀色察脉。乃屬氣血

兩虛瘡已深入厥陰矣。專用血藥不免損胃。又損肺淹延歲月。恐久瘡成勞也。蓋嗽渴固宜養陰。自汗惡食胸痞。豈血藥所能獨理。古人用藥立例。指引迷途耳。因例達變。須後人推廣之。遂以補中益氣湯加川芎黃柏枳實神麴麥冬。倍用參芪。煎服三十餘貼。諸證稍除。瘡猶未止。乃語之曰。今當冬氣沉潛。瘡氣亦因之以沉潛。難使浮達。况冬月汗孔宜乎閉固。而瘡則必須汗解。當此蟄藏之令。安得違天時以汗之乎。且以參芪枳實陳皮歸身黃芩丸服。胃氣既壯。來年二月。瘡當隨春氣而發泄矣。果如期而安。

震按冬藏難使浮達。亦備啟悟之一端。其不用血藥。誠為高見。然補中益氣之升柴。已與嗽渴自汗不相宜。更加川芎何謂。

一人年三十六月。因勞取涼夢遺。遂覺惡寒。連日慘慘不爽。三日後頭痛躁悶。家人診之。驚曰。脉絕矣。議作陰證。欲進附子湯未決。請汪治。汪曰。陰證無頭痛。今病如是。恐風暑乘虛入于陰分。故脉伏耳。非絕也。若進附子

湯誤則莫解。姑待以觀其變。然後議藥。次日未末申初。果病寒少熱多。頭痛躁渴痞悶。嘔食自汙。大便或濁或結。脉皆濡小而軟。脾部兼弦。此非尋常祛瘧燥烈之劑所能治。遂用清暑益氣湯。去蒼朮。升麻。加柴胡。知母。厚朴。川芎。以人參加作二錢。黃芪錢半。白朮當歸各一錢。煎服二十餘貼而愈。

震按脉證有可疑處。猛浪投以重藥。脫有所悞。噬臍何及。姑待以觀其變。真老醫之獨到處也。

一人年二十餘八月。因勞病瘧。往診之。脈數皆六至而無力。曰。古人云。形瘦色黑者。氣實血虛也。間日發于午後。亦血分之病也。以色脉論之。當從血治。但今汗多。乃陽虛表失所衛。消穀善飢。乃胃虛火乘其土。俱為氣虛之證。仲景法有憑證不憑脉者。茲當憑證。作氣虛治。以參芪各三錢。白朮。白芍。麥冬各一錢。歸身。生地。甘草各七分。知母。陳皮各五分。煎服二十餘貼而安。

震閱石山治瘧案二十二條所載脉象。或曰浮濡無力。或曰浮而欲絕。或曰濡小而緩。或曰浮大而濡。或曰濡弱近駛。稍弦。或曰數而無力。是分明參芪朮草之病。無甚疑難。少分寒熱。自易取效。故僅登三條。餘可類推。

王肯堂云。外祖母虞太孺人。年八十餘夏。患瘧。諸舅以年高不堪再發。議欲截之。予曰。欲一劑而已。亦甚易。何必截乎。乃用柴胡升麻羌防葛根之甘。辛氣清以升陽。氣使離於陰而寒自己。以知母石膏黃芩之苦。甘寒引陰氣下降。使離於陽而熱自己。以猪苓之淡滲分利陰陽。使不得交併。以穿山甲引之。以甘草和之。果一劑而止。

震讀靈蘭要覽。載此方治瘧屢效。又附隨證加減法。最為精當。是金壇得意之作也。李士材治新安程武修藍本於此。惟以白豆蔻換穿山甲。亦其善用藥處。

李士材治相國沈銘鎮。患瘧。吐衄悶不思食。六脉沉細。李曰。瘧傷太陰中。

寒。蛔動也。用理中湯加烏梅三個。黃連五分。四劑後。胸中豁然。寒熱亦減。蛇亦不吐。去黃連。加黃芪二錢。生薑五錢。五劑而瘧止。

繆仲濤治梁溪王興甫。偶食牛肉。覺不快。後遂發瘧。飲食漸減。至食不下咽。已而水飲亦不下。白湯過喉間。嘔出作碧色。藥不受。小便一滴如赤茶。大便閉。諸醫束手。繆視之。令仰卧。以指按至心口下偏右。大叫。因詢得其由。即用礬紅和平胃散作末。棗肉和丸。白湯下三錢。至喉輒不嘔。水道漸通。次日下黑物數塊如鐵。其病若失。再以人參麥冬各五錢。橘紅白芍各三錢。煎服。四日起。

震按理中加梅連以治吐蛔。礬紅和平胃散以治停滯牛肉。原非奇方異法。然與諸案病情稍別。故錄之。

僧慎柔治淮安客。年三旬外。季夏患瘧瘧。但熱不寒。連日發於午後。熱躁譴語。至次日天明纔退。數日後。忽腹痛。晝夜無間。勺水不進。呼號欲絕。遇瘧發時。即厥去。醫治不效。求慎柔診之。脉弦細而濡。乃謂弦細為虛。為暑。

而濡為濕蓋暑邪成瘧。濕熱乘虛內陷而腹痛。用酒炒白芍一兩。炙甘草一錢五分。水煎調下。天水散五錢服後腹痛如失。次日瘧亦不發。
震按此與繆仲濬用丹皮汁煮滑石法同。而此少遲之。且腹痛甚。遇瘧發即厥。恐戊己天水未必效。

高果哉治張習可五月間受微雨及風冷。遂患三陰瘧。發於暮。熱甚於夜。至九月中。診得六脉虛數。此陰虛而暑入陰分。最難治。當先升舉其陽。用生地當歸川芎白芍炙草知母乾薑乾葛升麻柴胡薑棗煎服。四劑後。加首烏人參。又定丸方。首烏四兩。生地三兩。參朮當歸龜版猪苓知母黃芩山楂各二兩。柴胡一兩。六錢。牛膝一兩。五錢。乾薑穿山甲各一兩。甘草五錢。活鱉一個。入砂仁末二兩。煮取鱉肉。同藥搗勻。烘乾。其骨亦炙為末。加入荷葉湯法丸。服完全愈。

又治高文甫三陰瘧。三月餘用首烏生地當歸白朮知母青皮枳殼升柴煅製穿山甲薑棗煎服。過瘧期三轉。第二次用生地一兩。老薑一兩。第三

次用當歸一兩。薑皮一兩。第四次用白朮一兩。薑皮一兩。每貼加桃葉七片。三轉後。檢不破荷葉。烘燥為末。三白酒調服五錢。又三轉瘧漸止。但骨節腰膝疼。痠無力。行走腹上常熱。乃用四物湯加首烏。枸杞。萸肉。杜仲。牛膝。白朮。甘草。虎骨。麥冬。五味。貝母。橘紅為末。活鱉一個。煮取肉。搗藥。烘乾。鱉甲骨俱炙燥研末。加入以酒蒸。常山四兩。煎濃汁。煮棗為丸。薑湯送下。

三四錢。

震按果哉先生。乃王金壇之高弟。準繩序中所謂嘉善高生。隱從余游。因採取古今方論。命高生次第錄之者是也。予童時。習聞父老傳誦其治病如神。著有醫林廣見及雜證二書。未曾刊印。世人得之。都珍如拱璧。又有醫案數卷。立方頗多奇巧。然險峻者亦難輕試。畧選數條。以存吾邑之文獻云耳。

喻嘉言治袁繼明。素有房勞內傷。偶因小感。自煎薑葱湯表汗。因而發熱三日。變成瘧疾。喻診其脉。豁大空虛。且寒不成寒。熱不成熱。氣急神揚。知

為元陽衰脫之候。因謂其父曰：「令郎光景竊慮來曰：瘧至，大汗不止，難於救藥。今晚宜用人參二兩煎濃湯預服，防危渠。」父不以為意。次日五鼓時，病者便覺精神恍惚，覓得參至，瘧已先發矣。喻甚彷徨，恐以人參補住瘧邪，雖救急無益也。只得姑俟瘧勢稍退，方與服之。服時已汗出沾濡頃之，果然大汗不止，昏不知人口流白沫灌藥難入，直至日暮，白沫轉從大孔遺出，喻喜曰：「白沫下行可無恐矣。」但內虛腸滑，獨參不能勝任，急以附子理中湯連進四小劑。人事方甦，能言，但對面談事不清，門外有探病客至，渠忽先知家人驚以為祟，喻曰：「此正神鬼之離舍耳。」吾以獨參及附子理中，駟馬之力追之，尚在半返未返之界，以故能知宅外之事。再與前藥二劑而安。

震按高鼓峯治新安程結先子病瘧，皆從此案指出。但每日辰時大寒午時大熱，熱即厥，兩目直視，不能出聲，額脫，涎水從口角湧出不止，日流數升。至丑時始汗解，飲食不進，昏冒欲絕，其為虛甚。尤易識耳。惟以大

劑參芪桂附而兼熟地。是宗景岳法。與喻案稍不同。

又治中尊陸六息久瘧。一曰輕。一日重。食減肌瘦困倦。噯氣嘉言云。是由飢飽勞佚所感受。傷在陽明。一經故飲食減而大便轉覺艱滯者。胃病而運化之機遲也。肌肉消瘦者。胃主肌肉也。形體困倦者。胃病而約束之機關不利也。口中時時噯氣者。胃中不和而顯晦塞之象也。一曰輕。一日重者。因時曰干支之衰旺與人身相關。故甲丙戊庚壬為陽。乙丁己辛癸為陰。瘧久食減。胃中之正已虛而邪去未盡。是以值陽日助正而邪不能勝。則輕。值陰日助邪而正不能勝則重也。當以理中湯助胃家。中脘俾得運用。則下脘之濁氣。自能傳入腸中。而大便不艱。不復升至胸中。而膈間寬快矣。

震按此條議論通暢。而干支衰旺之說。前人從未道及。可比昌黎之張皇幽渺矣。

張路玉治張怡泉年七十五。居恒常服參附鹿角膠等陽藥。秋間病瘧。誤

用常山止截藥一劑。遂致人事不省。六脉止歇。按之則二至一止。舉指則三五至一止。惟在寒熱之際診之。則不止歇。熱退則止歇如前。此真氣衰微。不能貫通於脉。所以止歇不前。在寒熱之時。邪氣衝激經脈。所以反得開通。此虛中伏邪之象。乃用常山一錢酒拌。同人參五錢焙乾。去常山。但用人參以助胸中大氣而祛逐之。當知因常山傷犯中氣而變劇。故仍用常山為嚮導耳。連進二服。遂得安寢。但寒熱不止。脉如前。乃曰。進入人參一兩。分二次進。并與稀糜助其胃氣。數日寒熱漸減。脉微續而安。

震按此條論歇止脉最有見。其用常山法與楊介以冰煎藥。皆為巧作。然寒熱不止。脉止如前。巧且無益。惟曰。進入人參一兩。不兼他藥。真大巧若拙也。

又治顧大來。年逾八旬。初秋患瘡瘍。昏熱譫語。喘乏遺尿。或者以為傷寒讒語。或者以為中風遺尿。危疑莫定。路玉曰。無慮。此三陽合病。譫語遺尿。口不仁而面垢。仲景暑證中原有是例。遂以白虎加人參。三啜而安。

震按內經論癰瘡。純是實熱證。故推其未病。則曰中氣實而不外泄。溯其受病。則曰用力出汗。風寒舍於皮膚分肉。究其病發。則曰陽氣盛而不衰。經文雖不言脉。諒脉之洪實有力可知也。此條係癰瘡。故讖語遺尿不死。然八旬之外。有此證。死者甚多。勿輕以此案作榜樣也。

中翰金濤還乃郎。八月間患瘧。發于辰戌丑未。而子午卯酉。每增小寒熱。直至初夏。石頑診其六脉如絲。面青唇白。乃與六君子加桂附。四服不應。每服加入參至一兩。桂附各三錢。又四服而辰戌丑未之寒熱頓止。子午卯酉之寒熱更甚。此中土有權。而邪併至陰也。仍與前藥四服。而色榮食進。寒熱悉除。後與獨參湯送八味丸調理而安。

震按此案與虞花溪案同閱。始知輕重各有妙處。

飛疇治沈子嘉平。向來每至夏間。臍一著扇風。則腹痛。且不時作渴。六脉但微數。無他異。此腎藏本寒。閉藏不密。易于招風也。下寒。則虛火上僭。故脉數耳。曾與六味去澤瀉。加肉桂。肉果五味。白蒺。作丸服。因是臍不畏風。